

四庫全書

子部

欽定四庫全書

續名醫類案卷五

錢塘魏之琇撰

厥

孫兆杜壬同診仁宗最寵貴妃一日食次忽仆倒遍身卒冷  
急奏上上乃急召孫杜既至奏曰不妨此乃氣厥爾  
少頃吐即復甦也御坐良久果吐而甦上問因何而  
得二人並奏曰此貴妃方食因憂怨氣上遂與食相

併故如此者吐即氣透故復甦也上問妃有何事如此妃對曰陛下無嗣臣妾不能為陛下生皇嗣所以自怨氣忽上逆至驚動聖駕上曰朕亦自責乃勞汝致病耶因嘉獎孫杜之能良久曰醫道如此豈非良

醫也耶

醫學綱目

子教青衣為崔侍御所得忽暴死梁革曰此非死乃尸厥也刺心及臍下數處衣以單衣卧牀上縛其手足置微火於牀下稍甦以葱粥灌之而青衣遂活

凡病尸厥

呼之不應徐應秋脉  
伏者死脉大反者死

實材治一人因大惱悲傷得病晝則安靜夜則煩悶不  
進飲食左手無脉右手沈細世醫以死症論之實曰  
此腎厥病也因寒氣客肝腎二經灸中腕五十壯關  
元五百壯每日服液丹四神丹至七日左手脉生少  
頃大便下青白膿數行全安此由真氣大衰非藥能

治惟艾火灸之

原注此症非灸法不愈非丹藥不效  
二者人多不能行醫人僅用泛常藥

以治其  
何能生

一婦人產後發昏二目帶漚面上發麻牙關緊急二手

拘攣實曰此胃氣閉也

亦由肝氣上逆胃之大絡而成厥

胃脉挾口

環脣出於齒縫故見此症令灸中脘五十壯即日而

愈

原注若產後血厥倉公白微湯

一婦人時時死去已二日矣凡醫作風治之不效實與

灸中脘五十壯即愈

此即尸厥

張子和治一人痰厥不知人牙關緊急諸藥不能下候

死而已張見之問侍病者曰口中曾有涎否曰有遂

先以防風藜蘆煎湯調瓜蒂末灌之口中不能下乃  
取長蛤甲磨去刃以紙裹其尖灌于右鼻竅中咽然  
下咽有聲後灌其左竅亦然曰可治矣良久涎不出  
遂以砒石一錢又投之鼻中忽偃然仰面似覺有痛  
斯須吐噦吐膠涎數升頗腥砒石尋常勿用以其病  
大非如此莫能動然無瓜蒂亦不可便用宜消息之  
大凡中風痰塞往往止斷為風專求風藥靈寶至寶  
誤人多矣故劉河間治風捨風不論先論二火也

常仲明之妻每遇冬寒兩手熱痛張曰四肢者諸陽之本也當夏時散越而不痛及乎秋冬收斂則痛以三花神佑丸大下之熱遂去

此熱氣厥也

張叟年六十餘病熱厥頭痛以其用漏藥時已一日間矣加之以火其人先利年高身困出門見日而暈不知人家人驚惶欲揉撲之醫曰大不可擾續與西瓜凉水蜜雪少頃而甦蓋病者年高氣泄痰涌脉亂身厥內有炎火外有太陽是以跌仆若是援之便不救

矣惟安神定思以涼水投之以靜靜便屬水自然無事臨症者當諳練也

常仲明之子自四歲得風痰疾至十五歲轉甚每月發一兩次發必頭痛痛則擊數百拳出黃綠涎一兩盞方已比年發益頻目見黑花發則昏不知人

厥也

三四

日方省諸醫皆用南星半夏化痰之藥終無一效偶遇張於瀝水之南鄉以雙解散發汗次以苦劑吐痰病去八九續以分劑平調自春至秋方獲全愈



莊一生治金壇庠友張逢甫內人方食時觸暴怒忽仆  
地氣遂絕一醫用皂角灰吹鼻中不嚏用湯藥灌之  
不受延至午夜謂必不治告去急叩莊過視之六脉  
尚全而獨氣口沈伏細尋之滑甚曰此肝木之氣逆  
衝入胃胃中素有痰致痰夾食閉胃口氣不得行而  
暴絕也但歷時久湯藥不入矣急宜吐之可活所謂  
木鬱則達之也亟令覆其身垂首向牀下以鵝翎蘸  
桐油啓齒探入喉中展指引吐出痰與食纔一口氣

便稍通再探吐至兩三口便覺油臭以手推翎但不  
能言莊曰無妨矣知其體怯不宜多吐急煎枳橘推  
蕩之藥灌之盡劑而甦後以平肝和胃藥調理數劑  
復故此因暴怒怒則氣上逆痰因氣壅故現斯症耳所  
謂尸厥也治厥往往有誤予故表其症以示後來云

廣筆  
記

季虬曰太學朱方仲內人稟賦極弱兼之作勞善怒內  
熱怔忡膽虛氣怯已三四年矣壬申夏忽發厥冒氣

痰上升則兩目上竄手足發搐不省人事初時一月一  
發三四日後則連發不止日夜幾百次牛黃竹瀝遍  
嘗不效予計已窮意欲用參附峻補因其時常口渴  
大便不通不敢輕投適一友至極其讚決謂非附不  
可強用附子二錢人參六錢作一劑投下午後進藥  
黃昏發大熱煩躁渴甚不兩日斃矣此固非因附子  
而然第症候決不宜用傲倖之念不可試也

同上

張意田乙酉歲治一人忽患泄瀉數次僵仆不醒神昏

目瞪肉瞤口噤狀若中風脉之沈弦而緩手足不冷  
身強無汗鼻色青兩頤紅此肝鬱之復也用童便蔥  
蔥熱服稍醒以羌活防風柴胡鈎藤香附梔子之屬  
次用天麻白朮湯加歸芍丹梔而愈或問肝鬱之復故  
曰運氣不和體虛人得之本年陽明燥金司天金運  
臨酉為不及草木反榮因去冬晴暘無雪冬不潛藏  
初春乘其未藏而草木反得早榮矣燥金主肅殺木  
欲達而金勝之故近日梅未標而吐華密霰淒風交

亂其側木氣鬱極則必思復經所謂僵木飛沙筋骨  
掉眩風熱之氣陡然上逆是為清厥今其脉沈弦而  
緩乃風木之象因審量天時用童便慈慈使之速降  
濁陰透轉清陽則神氣自清用羌防等以舒風木香  
附梔子解肝而清鬱火再用天麻白朮湯加歸芍丹  
梔培土清火暢肝木以成春雖不能斡旋造化亦庶  
幾不背天時也已

李東垣治中書脚膝尻腰皆冷脉沈數有力用黃蘗滋

腎丸再服而愈

汪石山治一人卒厥暴死不知人先前因微寒數發熱  
面色痿黃六脉沈弦而細知為中氣久鬱所致與人  
參七氣湯一服藥未熟而暴絕汪令一人緊抱以口  
接其氣徐以熱薑湯灌之禁止喧鬧若少移動則氣  
絕不返矣有頃果甦溫養半月而安不特此症為然  
凡中風中氣中寒暴厥俱不得妄動以斷其氣內經  
明言氣復返則生若不諳而擾亂其氣不得復致夭

枉者多矣

遇卒暴病者病家醫士皆宜知此蓋暴病多火擾  
之則正氣散而死也予女年十八忽暴厥家人不  
知此羣集喧鬧又扶挾而徙之他所致甦而復絕  
救無及矣今錄張汪二案五內猶摧傷也

盛用敬治一婦卒厥昏昏若醉手足筋牽盛診之六脉  
俱脫忽有麻衣者在側問其人則病者之壻也問其  
服妻之服也問其妻子死僅半月死以產後症忽悟

曰此病必憂鬱所致以木香流氣飲投之一服而瘥

吳江  
縣志

陸怡華亭人善醫汴人段氏客比隣一夕溘死怡取馬

櫪去底置大釜止皐死者內之蒸以蔥藥及旦皮腐

而氣復

江南  
通志

孫文垣治丁耀川長姊常患暈厥

諸風掉眩  
俱屬於肝

吐痰碗許

乃甦

痰因  
火動

一月三五發後又口渴五更倒飽

二字  
新

腸

鳴腹疼泄瀉小水短濇咳嗽

皆肝火  
為患

脉之兩寸濡弱



兩關滑大此中焦痰積所致也

却是標症

先與二陳湯加

蒼朮山楂麥芽以健脾為臣以白芍止痛為君以滑

石澤瀉引濕從小便出為佐黃芩為禪使服十帖二

陰之痛俱止

前未  
敏明

改以六味加知藥牛膝而愈

按此女之病稟母氣也予常見父母有肝病者其

子女亦多有之茲病厥亦肝病也其母病甚在二

陰見鬱症門

白仰雲令眷每觸怒即暈厥必閉門合目靜坐不令人

在旁

可見此病不宜擾之

手足皆冷汗出如雨氣息俱微越一

時許甦如常原以項生瘰癧多服女醫班猫等毒藥

致脾胃損元氣虧也年三十八未嘗生育欲睡則腿

必撻敲既睡則心常驚跳經將行小腹先疼二日色

紫有塊

以上無非肝病

惟肌肉飲食如常人

脾胃不病

診之兩寸

短弱左關大而有力右關滑左尺滑右尺沈細據脈

肺氣虛肝木實胃木實胃中有痰之症也

木熱則流脂斷無肝

火盛而無痰者不必責諸胃也

用六君子湯加丹參酒連青皮外與

珠母丸及獨活湯調理而安

二方出醫學綱目

龔子才治劉司寇患卒倒不省人事口眼相引手足戰掉一醫作風治一醫以痰火治俱罔效診之六脉沈數氣口緊此非風非痰乃氣夾食也其家人始悟曰適正食之際被惱怒所觸遂致如此用行氣香蘇散

加木香青皮山楂即愈

萬病回春

喻嘉言治吳添官生母時多暴怒致經行復止入秋以來漸覺氣逆上厥如畏舟船之狀動則暈去久久卧

於牀中時若天翻地覆不能強起百治不效因用人  
參三五分畧寧片刻最後服至五錢一劑日費數金  
至家財盡費病轉凶危大熱引飲腦間如刀劈食少  
瀉多已治木矣喻診之謂可救蓋怒甚則血菀於上  
而氣不返於下者名曰厥巔疾厥者逆也巔者高也  
氣與血俱逆於高巔故動輒眩暈也又上盛下虛者  
過在足少陽肝膽之穴皆絡於腦鬱怒之火上攻於  
腦得補而熾其痛如劈同為厥巔之疾也風火相煽

故振搖而蒸熱，木土相陵，故艱食而多瀉也。於是會  
內經鐵落鎮墜之意，以代赭石、龍膽草、蘆薈、黃連之  
屬降其上逆之氣，以蜀漆、丹皮、赤芍之屬行其上菟  
之血，以牡蠣、龍骨、五味之屬斂其浮游之神。最要在  
每劑中生入豬膽汁二枚，益以少陽熱熾，膽汁必乾，  
亟以同類之物濟之。病者藥入口，便若神返，其舍忘  
其苦，口連進十數劑，熱退身涼，食進瀉止，能起行數  
步，然尚覺身輕如葉，不能久支，因恐藥味太苦不宜。

多服減去猪膽及蘆薈等藥加入當歸一錢人參三錢薑棗為引平調數日全愈

李士材治晏給諫夫人先患胸腹痛次日卒然暈倒手足厥逆時有醫者以牛黃丸磨就將服矣診之六脉皆伏惟氣口稍動此食滿胸中陰陽否隔升降不通故脉伏而氣口獨見也取陳皮砂仁各一兩薑八錢鹽三錢煎湯以指探吐得宿食五六碗六脉盡見矣左關弦大胸腹痛甚知為大怒所傷也以木香青皮

橘紅白朮香附煎服兩劑痛止更以六君子加木香  
烏藥調理十餘日方瘥

一人年五旬荒於酒色忽頭痛發熱醫以羌活湯散之  
汗出不止昏暈不省李為灸關元十壯而醒四君子  
加薑桂日三劑至三日少康因勞怒復發厥用好參  
一兩熟附三錢煨薑十片煎服稍醒但一轉側即厥  
一日之間計厥七次服參三兩至明日以羊肉羹糯  
米粥與之尚厥二三次至五日而厥定乃泣而問之

可再生否曰脉有根蒂但元氣虛極非三載調攝不能康也幸其恪信堅守兩月之間服參四斤三年之內煎劑六百帖丸藥七十斤方得步履如初親友衆多議論雜出

此最病家大忌

若非病人任之耑久而見疑服藥必怠未有獲生者也

張路玉治顧允祥之內暴怒傷食喘脹逆歪

怒則氣上

醫者

誤認風邪而與表藥遂昏憤目瞪不語呼之不省

鼓動

肝邪而盛厥

診之其脉六部潛伏知為痰因氣閉所致本



當因勢利導探吐以通其竅緣病家畏其吐劇遂與  
導痰湯加菖蒲遠志一啜便能語言更與前藥加檳  
榔鐵落得下而安

黃履素曰凡人精神極壯實者偶患痰厥可服牛黃丸  
友人屠伯尚忽然痰壅不能語服牛黃丸立愈余姊  
丈周公美一日忽神呆目怒頃之痰湧手揚足擲有  
類中風不服藥次日自愈此等稟賦百無一二

楊太史夫人忽然暈倒醫以中風之藥治之不效李診

之左關弦急右關滑大而軟本因元氣不足又因怒  
後食停先以理氣消食藥進之下黑屎數枚急以六  
君子加薑汁服四劑而後暈止更以人參五錢芪朮  
半夏各三錢茯苓歸身各二錢加減調理兩月而愈  
薛立齋治一婦人因怒發搐嘔吐痰涎口禁昏憤氣口  
脉大于人迎此氣滯而食厥用平胃散加茯苓半夏  
木香治之而甦更以六君子湯加木香漸愈乃去木  
香又二十餘劑而痊

陸養愚治許省南忽得暴疾如中風口不能言目不識人四肢不舉服蘇合牛黃丸不效或與小續命湯反增喘急壯熱手足厥逆或以六脉沈微擬用附子理中湯診之兩寸似有似無兩尺難以求索此由氣壅逆而然非不足而欲脫也按其胸即眉為之皺按其腹即體為之舉詢其由因日間煩冗無暇喫飯至晚陪客畢即病發曰饑極過飽此食中也昏憤不語脉伏皆飲食填塞清導所致四肢不舉經謂土太過之

病也初時一吐即已今已一二日上中下俱受病當  
吐下消導以分殺其勢乃先以生薑淡鹽湯探之湧  
痰涎湯水數碗少頃神思少清診之寸關逼逼而來  
又以稜茂檳枳橘麴木香白豆仁萊菔子煎送潤字  
丸五錢下三四行勢大減再診關尺俱見且沈實有  
力第胸腹按之猶痛再以前方煎送潤字丸二錢四  
日後方與稠粥改用二陳少佐歸芍以養榮血參朮  
以扶胃氣木香豆仁以寬其未盡之痞旬日而安

陸肖愚治潘碧之痞旬日而安五旬因大怒後忽然倒仆牙關緊急脉之兩寸關滑大兩尺沈無以稀涎散薺水調搗牙灌之吐痰盈許少頃而甦第人事尚未清爽再診寸關稍平兩尺已起以二陳加貝母黃連香附數劑而安

陸祖愚治郁仲開勞心之後復感怒氣清晨篋頭未畢忽然昏暈四肢厥逆口目不開喉聲如鋸二便不利脉之左三部弦滑而數右三部沈實有力此痰厥也

先用牛黃一分連灌四五丸再用陳皮貝母花粉膽  
星黃芩黃蘗枳實瓜蒌前胡桔梗皂莢薑汁竹瀝頓  
服湧去稠痰二三碗前方去皂莢陳皮加青皮二劑  
行二次其老痰俱從便出症頓減後用健脾養血清  
火消痰之劑調理而安

鄭顯夫年六十餘因大怒遂昏仆四肢不用余以怒則  
火起於肝以致手足厥陰二經之氣閉而不行故神  
無知怒甚則傷於筋縱之若不容故手足不用急以

連藥瀉其上逆之火香附降其肝氣一二日神智漸

回後以調氣血壯筋骨之劑補之一日安

藥要或問  
醫說續編

朱丹溪治呂宗信有積塊足冷至膝用大承氣湯加減

下之其塊厥皆愈

積塊易知足冷為實熱  
之厥人或未知八厥門

吳洋治里人病歸自浙四肢厥冷六脉若亡尸寢旬餘

水漿不入衆醫以為死矣洋至曰此熱厥也乃就浴

室貯盤水水皆汲新版築傅之卧病者其上則以青

布幕四體挹水沃之即以水蘸病者脣欲得水甚遂

盡其量而飲之乃瘥

太函集

吳橋過章初有人遮道告曰汪一洋年五十所洩血後  
發熱畢致諸醫或以為傷寒劑以發散或以為痢後  
虛損劑以補中久之讖語昏迷四肢厥冷蓋不食者  
旬日矣即其家絕望以待盡願一診之橋曰此熱厥  
也吾能活之則予石膏黃連湯一服而蘇再而間五

服而愈

同上

鮑綠飲妹病厥昏不知人目閉鼻煽年壽環口皆青手



足時時抽掣自夜分至已脾湯水不入脉之大小參  
伍無倫次謂此肺金大虛肝火上逆火極似風之候  
唯獨參湯可愈他藥必不受也參已煎或沮之遂不  
敢與一醫用菖蒲遠志以開心氣茯神棗仁以安神  
麥冬貝母以清痰辰砂鐵鏞水以鎮墜奈藥從左灌  
入即從右流出絕不下咽羣視束手時已過晡再視  
之則面額間漸變黑色令急灌參湯猶可活乃以茶  
匙注之至六七匙喉間汨然有聲已下咽矣察其牙

關漸開再以米飲一盞和參湯灌下遂目開身動面  
額青黑之氣豁然消去徐飲薄粥一甌起坐而愈後  
嘗復厥但不甚唯與地黃沙參麥冬杞子即瘥

顧氏女年十六內臟有瘡三陰之病其素也以歲暮勞  
于女工脇痛發咳嗽吐痰一醫與廣半荆防香砂枳  
桔等三四劑覺中脘有物如拳上頂食不能下又一  
老醫謂此痰也其盛盈斗必消去乃已其方與前方  
增蒼朮厚朴竹瀝薑汁服二劑病益劇延治開歲之

二日也比至則曰死矣無庸診也詢死幾時曰天黎  
明忽目閉口張挺卧僵直呼喚不應湯水不入詢其  
胸腹如何其母按之曰猶暖遂入診已無脉面死白  
殺青牙齦迸紫血亦已凝涸令曳其四肢尚軟謂本  
元虛勞役而病誤行燥散傷其肺金致肝木挾痰上逆  
又加酷暑之品遂令水涸木枯而厥冒第痰食之厥  
可一吐而甦此陰亡陽越之厥唯有魂升魄降而已  
今生氣未絕姑以熟地二兩杞子一兩沙參麥冬各

五錢急煎徐灌但慮其不下咽耳下咽即活乃如言  
次日延診告以初時藥不能下以簪撬灌久之入咽  
有聲今起坐矣前方減半入薑仁二錢八劑全愈後  
數年出嫁不得于姑脇痛不能卧一醫令木香為末  
調服一錢許服竟一厥而終

瘧

瘧症詩曰強直反如弓神昏似  
中風痰流脣口動瘧瘕與癰同

許叔微治一人項強筋急不可轉側自午後發黃昏時  
定此肝腎二臟受風也謂此必先從足起少陰之筋

自足至項筋者肝之合今日中至黃昏陽中之陰肺  
也自離至兌陰旺陽弱之時故靈寶畢法云離至乾  
腎氣絕而肝氣弱肝腎二臟受邪故發於此時用宣  
州木瓜二个取蓋去瓢沒藥二兩乳香二錢半二味  
入木瓜內縛定飯上蒸三四次爛研成膏每用三錢  
入生地黃汁半盞無灰酒二盞煖化溫服及都梁丸  
服之而愈

易思蘭治宗室毅齋年五十二素樂酒色九月初忽倒

地昏不知人事若中風狀目閉氣粗手足厥冷身體  
強硬牙關緊閉有以為中風者有以為中氣中痰者  
用烏藥順氣散等藥俱不效又有作陰治者用附子  
理中湯愈加痰響五日後召易診治六脉沈細緊滑  
愈按愈有力問此何病曰寒濕相搏瘕症也瘕屬膀  
胱當用羌活勝濕湯主之先用稀涎散一匕吐痰一  
二碗昏憤即醒隨進勝濕湯六劑全愈以八味丸調  
理一月精神復常

張路玉治吳江郭邑侯公子患柔瘕用桂枝湯及六味地黃湯咸加蝎尾服之而愈

朱丹溪治王秀濕熱大作脚痛手筋拘攣足乏力生地當歸川芎白朮各二錢蒼朮一錢甘草炙三分木通五分煎湯下大補丸三十丸大補丸須炒煖

張子和治新寨馬叟年五十九因秋欠稅官杖六十得驚氣成風搖已三年矣病大發則手足顫掉不能持物食則令人代哺口目張睞脣舌嚼爛抖擻之狀如

線引傀儡每發市人皆聚觀夜卧發熱衣被盡去遍  
身燥痒中熱而反外寒久欲自盡傾產求醫至破其  
家而病益堅叟之子邑中舊小吏也以訊張張曰此  
病甚易治若隆暑時不過一涌再涌奪則愈矣今以  
秋寒可三之如未更刺俞穴必愈先以通聖散汗之  
繼服涌劑出痰三四升如雞黃成塊狀如湯熱叟以  
手顫不能自探妻與代探咽嗌腫傷昏憤如醉約一  
二時許稍稍醒又下數行立覺足輕顫減熱亦不作



足亦能走手能中櫛自持是筋未至三湧病去如濯  
病後但覺極寒張曰當以食補之久則自退蓋大疾  
之去衛氣未復故宜以散風導氣之藥切不可熱  
劑溫之恐反成他病也

琇按是症本因驚而得尤不能無鬱也蓋驚入心  
口受之則為顛癇今心不受而反傳之肝而為癰  
癰亦母救其子之義也肝病則乘其所勝於是生  
風生痰怪症莫測治以上涌下泄乃發而蕪奪之

理並行不悖張案於此症尤為合法

黃如村一隻兩手搐搦狀如曳鋸冬月不能覆被張之  
舞陽道經黃如不及用藥針其手大指中中注穴上  
曰自肘以上皆無病惟兩手搐搦左氏所謂風淫末  
疾者此也或刺後谿手太陽穴也屈小指握紋盡處  
是穴也

完顏氏病搐先右臂并右足約搐六七十數兩目直視  
昏憤不識人幾月餘求治先逐其寒痰三四升次用

導水禹功散泄二十餘行次服通聖散辛涼之劑不數月而瘥

薛立齋治一婦人素有內熱月經不調經行後四肢不能伸卧牀半載或用風濕痰火之劑不效其脉浮緩按之則濇名曰癰症屬風寒所乘用加味逍遙散加肉桂防風四劑頓愈更以八珍湯調理兩月餘而瘥一婦人素經行後期因勞怒四肢不能屈名曰癰症此血虛而風熱所乘先用八珍湯加鈎藤柴胡漸愈更

佐以加味逍遙散調理而痊

一婦人素有火忽然昏憤痰涎抽搐善伸數次四肢筋  
攣痰涎上升此肺金燥甚血液衰少而然也用清燥  
湯六味丸兼服尋愈

一婦人因怒經事淋瀝半月方竭遇怒其經即至甚則  
口噤筋攣鼻衄頭痛痰涎搐搦瞳子上視此肝火熾  
甚以小柴胡湯加熟地山梔鉤藤治之後不復發

一婦人素陰虛患遍身搔痒誤服祛風之藥口噤抽搐

肝脉洪數薛曰肝血為陰為水肝氣為陽為火此乃肝經血虛火盛耳宜助陰血抑肝火用四物麥冬五味鈎藤炙甘調理而痊

一婦人發瘰遺溺自汗面赤或時面青飲食如故肝脉弦緊此肝經血燥風熱名瘰也肝主小便其色青入心則赤法當滋陰血清肝火遂用加味逍遙散不數劑諸症悉退而安

許叔微云同官歛丞張德操常言其內子昔患筋攣脚

不得屈伸逾年動則令人抱持求醫於泗水楊吉老  
云此筋病宜服下三方一年而愈春夏服養血地黃  
丸熟地蔓荊山萸狗脊地膚子白朮乾漆躑躅天雄  
車前草薺山藥澤瀉牛膝秋服羚羊湯羚羊角肉桂  
附子獨活白芍防風川芎冬服烏頭湯大烏頭細辛  
川椒甘草秦艽附子官桂白芍乾薑茯苓防風當歸  
獨活

馬元儀治章氏婦患頭身振搖手足瘳癰諸治不效診

之兩脉浮虛兼濇浮為氣虛濇為血傷得之憂思勞  
鬱陽明損甚也蓋陽明胃為氣血海主束骨而利機  
關若氣血不充則筋脉失養而動惕不寧仲景云發  
汗則動經身為振振者茯苓桂枝木甘草湯主之凡  
汗傷脉津液猶足擾動經脉况氣血內涸乎但  
彼有外邪搏飲當滌飲散邪苓桂俾津液四布以滋  
養氣血筋脉此屬勞鬱所傷必峻補陽明使氣血  
內盛以充灌周身令服參乳兩月而安

立齋治一人感冒後發瘧不醒人事磨傷脅肉三寸許  
一塊此膀胱經必有濕熱診其脉果數謂此死肉最  
毒宜速去之否則延漬良肉多致不救遂取之果不  
知疼痛因瘻不止疑為去肉所觸謂此風熱未已彼  
不聽另用乳末之劑愈甚復以祛風消毒藥敷貼查  
春田飲以祛風涼血降火化痰之劑而愈金工部載  
陽傷寒後亦患此甚危亦取去死肉以神效當歸膏  
敷貼以內疎黃連湯飲之狂言愈盛其脉愈大更以



涼膈散二劑又以四物湯加苓連數劑而愈凡患瘡者責效太迫服一二劑未應輒改服他藥反致有誤不思病有輕重治有緩急而槩欲效于一二劑之間難矣况瘡瘍一症其所由來固深以久又形症在肌肉潰損較之感冒無形之疾不同安可旦夕取效患者審之

吳橋治程嗣恩故肥白藥瘍過當膝脛皆疎始覺汗多久而益甚一發則下如雨厥逆反張口噤目瞪痰喘

並作良久氣反小便不禁瞑不能言旬日益深日十  
數作諸醫謝去橋至而按諸方則曰經云汗多亡陽  
此柔痙也諸君失之矣乃重參芪次附桂芍藥次龍  
骨牡蠣飲之半劑而寢復者將升屋而號橋曰藥中  
病而行得寢乃復非死也亟為粥湯待之頃之呻吟  
呼粥湯少進再劑而愈三月而後初

太函集

### 頭暈

實材治一人頭風發則旋暈嘔吐數日不食為針風府

穴向左耳入三寸去來留十三呼病人頭內覺麻熱  
方令吸氣出針服附子半夏湯永不發華陀針曹操  
頭風亦針此穴立愈但此穴入針人即昏倒其法向  
右耳橫下針則不傷大筋而無暈乃千金妙法也

此針

法奇妙須與高手針  
家議之方得無誤

龔子才診熊槐二官年六十餘身體胖大其脉下手即  
得五至一止乃驚曰君休矣渠曰連日微覺頭暈別  
無恙也何故出此願實教焉龔曰越十日用藥相晒

而退少頃聞中痰求救於龔知其必不可治令以香油灌之即醒逾十日果卒

張路玉治董司業夫人體雖不盛而恒有眩暈之疾診其六脉皆帶微弦而氣口尤甚蓋緣性多鬱怒怒則飲食不思為眩暈矣豈平常肥多濕之痰可比例乎為疏六君子方水泛為丸服之以培中土中土健運當無敷化不及留結為痰而成眩暈之慮所謂治病必求其本也

朔客梁姓者邀診時當夏日裸坐盤餐倍於常人形偉  
氣壯熱汗淋漓於頭項間診時不言所以切其六脉  
沈實不似有病之候惟兩寸畧顯微數之象但切其  
左則以右掌抵額切其右則以左掌抵額知其肥盛  
多濕而夏暑久在舟中時火鼓激其痰而為眩暈也  
詢之果然因與導痰湯加黃蘗澤瀉茅朮厚朴二服  
而安

吳友良年逾古稀頭目眩暈乃弟周維素擅岐黃與補

中益氣數服始用人參一錢加至三錢遂痞滿不食

坐不得卧三晝夜喃喃不休

上盛下虛之症服補中益氣其害如此

診

時見其面赤進退不常左頰聶聶動其六脉皆促或七八至一歇或三四至一歇詢其平昔起居云自五十即絕慾自保飲啖且強此壯火燔陰兼肝風上擾之兆與生料六味除去萸肉入鈎藤大劑煎服是夜即得酣寢其後或加鱉甲或加龍齒或加棗仁有時妄動怒火達旦不寧連宵不已則以秋石湯送靈

砂丹應如桴鼓盛夏酷暑則以大劑生脉散代茶後與六味全料調理至秋而安

陸養愚治陳翼源室向有頭眩之症不藥亦止八月中旬偶作勞煩悶飲酒數杯坐月下更餘方寢便覺微熱不安次早忽覺頭暈旋且微痛如在風雲中且比平時較劇醫謂脉得浮數此熱極生風也用苓連山梔等以清之二劑眩暈不減而頭痛如破上身如火而欲厚覆又謂無痰不作暈再以清火之品合二陳

湯二劑亦不效脉之左手浮弦而緊右手浮數而弱  
且寸強尺微右脉乃正氣之虛左脉乃邪氣之實尺  
微寸強邪在上也此必乘虛感邪中於上焦所致經  
曰筋骨血氣之精而興脉并為目系上屬於腦後出  
於項中故邪中於項因逢其人之虛其入深則隨目  
系以入于腦入于腦則腦轉腦轉則引目系急目系  
急則目眩以轉矣今作勞以致煩悶非虛乎月下坐  
至更餘頭項之間能不為霧露之清邪所中乎法當



驅上焦之邪補中焦之氣而徐議消痰清火則自愈矣因先用參蘇飲加藁本二劑頭痛頓止眩亦少差再以補中益氣佐以二陳芩連數劑而安

張路玉治繆封君偶因小憤遂眩暈痞悶三日來服豁痰利氣藥不應反覺疲倦飲食日減下元乏力診之六脉似覺有餘指下畧無沖和之氣氣口獨滯不調時大時小兩尺俱濡大少力此素多痰濕漸漬於水土二經加以剝削之劑屢犯中氣疲倦少食迨所必至

法當先調中氣輸運水穀之精微然後徐圖溫補下  
元為疏六君子湯加當歸調營血庶無陽無以化之  
虞

龔子才治大學士高中玄患頭目眩暈耳鳴眼黑如在  
風雲中目中溜火或與清火化痰或與滋補氣血俱  
罔效診之六脉洪數此火動生痰以酒蒸大黃三錢  
為末茶下一服而愈蓋火降則痰自清矣

薛立齋治一婦人頭暈吐痰用化痰理氣藥肢體痠麻

服祛風化痰藥肢體常麻木手足或冷或熱此脾土虛而不能生肺金用補中益氣加花苓半夏炮薑二十餘劑而愈後因怒吐痰自服清氣化痰丸飲食不進吐痰甚多胸脇脹滿教用六君子倍加參朮少加木香數劑而愈

陶天爵妄媵素多時患頭暈痰甚勞則肢體痿軟筋骨作痛殊類風症以為腎虛不能納氣歸源用加減八味丸而痊後因房勞氣腦頭暈項強耳下作痛此肝

火之症仍用前藥滋腎水生肝血制風火而愈

張飛疇治一婦胸滿身熱六脉弦數無力形色倦怠渴不甚飲云自遊虎丘暈船吐後汗出發熱頭痛服發散四劑胸膈愈膨聞穀氣則嘔眩因熱不退醫禁粥食已半月日惟飲清茶三四甌今周身骨肉痛楚轉側眩暈嘔噦曰當風汗嘔外感有之已經發散矣吐則飲食已去消尅則更傷脾胃虛故脹甚脾絕穀氣則嘔土受木尅則暈宜勿藥惟與米飲繼進粥食使

脾土有主更議可也守其言竟不藥而愈

立齋云上舍顧桐石會飲周上舍第問余曰向孟有涯  
陳東谷俱為無嗣納寵已而得疾皆頭暈吐痰並用  
蘇合香丸惟孟得生何也曰二症因腎虛不能納氣  
而為頭暈不能制水而為痰涎陳專服攻痰行氣孟  
專服益火補氣故耳後余他往桐石房勞過度亦患  
前症或用清氣化痰愈甚顧曰我病是虛氣不能納  
氣歸源治者不悟而歿惜哉

昌平守王天成頭暈惡寒形體倦怠得食稍愈勞而益甚寸關脉浮大此脾肺虛弱用補中益氣加蔓荊子而愈後因勞役發熱惡寒譫言不寐得食稍安用補中益氣而痊

大尹祝支山因怒頭暈拗內筋攣時或寒熱日晡熱甚此肝火筋攣氣虛頭暈用八珍湯加柴胡山梔丹皮二十餘劑而愈

琇按肝火亦作頭暈不定屬之氣虛也經云諸風

掉眩皆屬於肝肝之脉上絡顛頂余嘗以一炷湯  
加吳萸炒黃連二三劑即愈

朱丹溪治一男子年七十九歲頭目昏眩而重手足無  
力吐痰口口相續左手脉散大而緩右手緩而脉大  
不及於左重按皆無力飲食畧減而微渴大便三四  
日一行衆人皆與風藥至春深必死曰此皆大虛症  
當以補藥大劑服之衆怒而去乃教用人參黃芪當  
歸白芍白朮陳皮濃煎作湯使下連藥丸三十粒如

此者服一年半而精力如少壯時連藥丸冬加乾薑  
少許餘三時皆依本法連藥皆薑汁炒為細末又以  
薑汁煮糊為丸

琇按此症大補而佐以連藥妙不可言矣蓋一眼  
注定肝腎二經以連清肝火藥清腎火也既慮其  
寒重以薑汁製之可謂盡善然不若竟用地黃杞  
子如左歸加減尤為善中之善也

陳自明治一婦人苦頭風作暈數年服太乙丹一粒吐



痰枕許遂不再發

方見  
蟲門

馮楚瞻治金紹老夫人因歲事積勞忽眩暈不省妄有見聞語言雜亂診其脉細數無倫真陰真陽並虧已極乘此初起即為挽回愈久愈虛愈虛愈脫矣用全真一炁湯日進二劑每劑人參八錢不十日而全瘳錢國賓治陳叔明幼年多讀飽學貧居自甘清淡有品士也至三旬外一見日光即覺昏暈漸至見光昏暈遂坐於帳凡有隙處莫敢窺如是二十年矣諸藥遍

嘗親友憐其品行時以升斗周之興診乃陽虛陰極之症須返本還元之藥可治也用首經人乳臍帶胎髮秋石煉蜜丸如芡實大硃砂為衣三更酒下一丸月餘而愈適鈔有此丸因與之也

麻木

王損菴治大理卿韓珠泉遍身麻木不能舉動以神效黃芪湯加減授之用芪一兩二錢參芍各六錢他稱是一服減半彼欲速效遂併二服為一服服之旬日

病如失諭以元氣未復宜靜養完固而後可出渠不能從盛夏遽出見朝謁客勞頓累日忽馬上欲墜仆從者扶歸邀診視辭不治數日沒嗚呼行百里者半於九十可不戒哉

治法

張路玉治沈步雲解組後以素稟多痰恒有麻木之患為疏六君子湯服之頗驗而性不喜藥入秋以來漸覺肢體不遂脉之得爽滑中有微之象仍以前方出陳皮加歸芪巴戟平調半月而安然此症首重搏節

方可保全毋徒恃藥力為也

已慈明婦產後眩暈心悸神魂離散若失臟腑之狀開  
眼則遍體麻木如在雲霧之中必緊閉其目似覺少可  
晝日煩躁夜則安靜服四物等則嘔逆不食薑附等  
則躁擾不寧其脉虛大而數按之則散舉之應指此  
心火浮散之象因艱產受驚痰飲乘虛襲入心包絡  
中留伏膈上有入無出致綿延不已蓋目開則諸竅  
皆開痰火堵塞心竅所以神識無主目閉則諸竅皆

閉痰火潛伏不行故得稍安與東垣所云合眼則陽氣不行疾迴別況晝甚夜輕明是上焦陽位之病與理痰清火之劑諸症漸寧然或因驚恚或因飲食不時舉發此伏匿膈火之痰無從搜滌也乘發時用獨參湯下紫雪開通膈膜仍與前藥調補半年而愈

黃履素曰余年四十七時忽患小指麻軟時作時止每夏愈而冬甚素聞指麻當防中風因講求預防之法有言宜祛風化痰者其說大謬有言宜順氣活血者

謂氣行則痰自消血活則風自滅其言近是及讀薛氏醫案治蔣州判中滿吐痰頭暈指麻云中滿者脾氣虧損也痰盛者脾氣不能運也頭暈者脾氣不能升也指麻者脾氣不能用也遂以補中益氣湯加茯苓半夏以補脾土用八味地黃丸以補土母而愈後惑于乾坤生氣方云凡人手指麻軟三年後有中風之疾可服搜風天麻二丸以預防之乃朝餌暮服以致大便不禁飲食不進而歿夫預防之理當養氣血

節飲食戒七情遠帷幙可也若服前丸以預防適所以招風取中也讀之快然遂確守其法蓋於今十有三年矣

陸養愚治丁慕雲患麻木左手足不能舉惡風或時自汗服小續命十一劑不效或謂風症宜大汗之小續命以補養氣血之品故不效耳因倍風藥減參芍輩二劑汗如雨反覺一身盡痛游走不定并右手足不能舉昏沈厥逆甚危診之陽脉弦細而數陰脉遲濇

而空謂此雖似風然昔人云麻者氣虛木者血虛手足不任者脾虛凡此三虛止宜調養氣血則風症自除小續命正以風藥過倍血藥殊少何反倍風藥而去參芍宜其劇矣仲景云大法夏宜汗以陽氣在外也春月陽尚稚初出地下大汗之使衛氣亟奪而失守榮血不隨所以遍身走痛昏沈厥逆皆氣血垂絕之象也急用大料十全大補湯濃煎灌之少甦為灸風池百會肩井曲池間使三里六穴各數壯以防中



臟之危自此諸症漸減飲食漸進第大便常結痞悶  
微熱此汗多津液不足故下不去則上不舒以潤字  
凡五分日二服便行猶燥以八物倍歸加麥冬知母  
以潤之少佐檳榔木香豆仁以調其氣可不自後每  
燥結服潤字凡五分甚則一錢月餘全愈

張文叔傳木香丸續命丹二方戊辰春中書左丞張仲  
謙患半身不遂麻木太醫劉子益與服之汗大出一

服而愈故錄之

寶鑑羅有治  
張案在江選

李東垣治杜意達患左手右腿麻木右手大指次指亦常麻木至腕已三四年矣諸醫不效求治曰麻者氣之虛也真氣弱不能流通填塞經絡四肢俱虛故生麻木不仁與一藥決三日效遂製人參益氣湯服二日便覺手心熱手指中間如氣脹滿至三日後又覺兩手指中間手擦傍觸之曰真氣遍至矣遂於兩手指甲傍各以三稜針一刺之微見血如黍粘許則痺自息矣後再與調理而愈

繆仲淳治顧仲恭心腎不交先因失意久鬱及平日勞心致心血耗散去歲十月晨起尚離牀忽左足五指麻冷倏已至膝便不省人事良久而甦乍醒乍迷一夜十餘次醫者咸云痰厥繆云純是虛火服丸藥一劑今春體覺稍健至四月後丸藥不繼而房事稍過至六月初十偶出門前症復發扶歸良久方醒是日止發一次過六日天雨稍感寒氣前症又發二次見今兩足無力畏寒甚自腹以上不畏寒繆云人之

五臟各有致病之由謹而察之自不爽也夫志氣不  
遂則心病房勞不節則腎病心腎交病則陰陽將離  
離則大病必作以二臟不交故也法當清熱補心降  
氣豁痰以治其上益精強腎滋陰增志以治其下則  
病本必拔以心藏神腎藏精與志故也平居應獨處  
曠野與道流韻士討論離慾之道根極性命之源使  
心境清寧暫離愛染則情念不起真精自固陰陽互  
攝而形神調適矣湯方貝母茯苓遠志棗仁蘇子石

斛麥冬甘草木瓜牛膝石菖蒲入牛黃末一分天竺  
黃一分竹瀝一杯後加入參五錢枇杷葉三片霞天  
膏五錢丸方遠志天冬麥冬茯神茯苓棗仁生地白  
芍甘艸黃蘗牛膝五味蜜丸空心及臨卧服五六錢  
石斛湯加竹瀝送下

續名醫類案卷五

欽定四庫全書

子部

續名醫類案卷六

詳校官太醫院吏目臣周世泰

編修臣倉聖脈覆勘

總校官編修臣王燕緒

校對官中書臣劉源溥

謄錄監生臣陳箴

沈明先治丁惠書秋得感寒停食之症入夜輒寒熱如  
瘧竟夕作嘔病數發醫亦數更體弱不勝昏沈垂殆  
矣或謂晝靜夜劇屬乎陰症或謂胃寒而嘔當理中  
湯沈獨以為晝靜夜劇由於陽氣陷入陰中嘔噦聲  
長明諸逆衝上屬火不惟不可溫直應用寒不惟不  
可補更宜攻伐竟投三黃等味一劑知二劑減三四  
劑其嘔若失神情如甦但嘔止而胸膈脹繼作或疑  
寒涼傷胃故沈曰食雖消而火未歸原猶黃連瀉上

欽定四庫全書

續名醫類案卷六

錢塘魏之琬撰

感症

朱丹溪治一人因感寒倦怠不食半月後發熱惡寒遍身痛脈浮大按之豁然此極虛受寒以人參為君黃芪歸芍為臣蒼朮陳皮通草為使大劑服五劑大汗而愈



王太僕云寒之不寒責其無水當求其屬以衰之乃改用純甘壯水之劑益以牛膝車前使熱從水道發洩果氣順脹消臃中清廓而安

聶久吾曰予壬辰初春在京會試天寒夜坐久感寒頭痛服蘇散藥未經出汗其頭痛數日不止却無他症或謂感寒甚輕已五六日豈復有外邪或勞神內虛理宜補之勸服補中益氣湯二劑不知外邪未散補藥助邪為害遂至神氣漸昏飲少進晚間呃逆不止

如是者數日乃延醫用前胡桔梗貝母麥冬連翹香附廣皮甘草數劑而愈予生平少病茲外感未清而輕用補身受其害若此因悟外感內傷并外感兼內傷與內傷挾外感諸治蓋原于此因述之以志折肱之意云

陸養愚治邱全谷年正方剛九月間忽身微熱頭微痛心神恍惚有時似夢非夢自言自語醫謂此輕傷寒也當發散之用解表二劑汗不出熱反甚妄言見鬼

前醫因無汗欲再表病家疑又延一醫因妄言見鬼  
謂熱已傳裡欲下之而大便之去未久不能決脈之  
輕按浮數而微重按澁而弱微數者陽氣不足也澁  
弱者陰血不足也此陰陽俱虛之候不可汗尤不可  
下主表者曰汗既不出何謂陽虛曰此症雖有外邪  
因內損甚氣餒不能逼邪外出而作汗法當補其正  
氣則汗自得而邪自去矣若再發之徒竭其陽而手  
足厥逆之症見矣其主下者曰仲景云身熱譫語者

有燥矢也何不可下曰經謂譫語者氣虛獨言也此  
症初止自言自語因發散重虛其陽所以妄言見鬼  
即難經所謂脫陽者見鬼也王海藏曰傷寒之脈浮  
之損小沈之損小或時悲笑或時太息語言錯亂失  
次世疑作譫語狂言者非也神不守舍耳遂用補中  
益氣湯加附子薑棗煎服一日二劑至晚汗濺濺而  
來清晨身竟涼頭不痛第人事未甚醒此陽氣少復  
陰氣未至耳仍用前湯吞六味丸旬日猶未精采調

理月餘而愈蓋此人因房室之後而繼以勞力也

韋子經春初肄業於蕭寺其房屋新創不甚謹密天寒  
夜坐至一二更倦怠倚几而睡洎醒身覺寒甚頭微  
痛天明自服參蘇飲二劑未得汗他無所苦但頭痛  
數日不止或謂其體弱必攻苦勞神上氣不足而痛  
也令以補中益氣湯倍人參服之服後便覺神氣昏  
悶胸膈不舒從早至夕粒米不進晚發呃逆睡卧不  
安醫以脈帶數是火也用芩貝苓連竹茹輩投之反

遍身壯熱呃逆不止亟診之面赤戴陽鬱胃嘔呃左脈沈數而弦右脈尚和乃曰病輕藥悞耳不汗而劇得汗即解矣乃以火鬱湯倍麻黃強覆大汗之至晚諸症如失明日索藥曰昨見几上尚有補中益氣湯一帖服此足矣

琇按補中益氣為東垣治內傷外感之第一方後人讀其書者鮮不奉為科律然不知近代病人類多陰分不足上盛下虛者十居九焉即遇內傷外

感之症投之輒增劇非此方之謬要之時代稟賦  
各殊耳陸麗京曰陰虛人誤服補中益氣往往暴  
脫司命者其審諸

朱晴川內先感風邪後傷飲食發熱頭痛中脘痞悶醫  
以牛黃散下之瀉兩三行而熱不減痞亦不寬再服  
復瀉兩三行熱不減而痞更甚又醫曰瀉而熱不減  
者虛熱也通而脹不減者虛痞也乃用人參白朮黃  
芪甘草補之初服無進退至四劑神昏不醒人事手

足厥逆舌有黑胎脈之浮數而空喜面不黑黯猶可  
救乃以枳實五錢黃連三錢人參七分麥冬一錢五  
味子十粒燈心煎灌之二劑人事稍清六脈畧有神  
熱亦減半又二劑熱仍劇大便五日不行姑以潤字  
丸一錢下之通而熱退自此一日不服人參則自汗  
力不能支三日不投潤字丸則便閉而熱發直至人  
參服過一斤潤字丸數兩而後愈

陸肖愚治鄒氏子年十八新婚感冒症似傷寒或以九



味羌活湯嘔吐一二日改用藿香正氣散吐少止而  
倦乏食即飽悶腹中漉漉有聲四肢微厥小便短赤  
大便或溏或秘口渴而不喜飲晝輕夜重煩悶有主  
調氣者清火者滋陰者皆不效而滋陰尤為不宜脈  
寸關沈緩而弱尺脈頗和曰此得之煩勞傷氣非得  
之使內傷陰也用四君子湯加棗仁豆仁木香薑棗  
數劑如故乃倍人參加熟附子五分而胸膈寬飲食  
進二十劑全愈

陸方伯年古稀因仲冬天氣有非時之熱患時氣咳嗽  
醫以芫蘇散汗之汗出不止咳嗽連綿不絕飲食不  
進昏憤經旬脈之浮大無力以五十動脈法按之二  
三十動間覺常有止意曰此高年勞倦即有微邪止  
宜扶正氣以勝之豈可妄汗今雖昏憤喘急尚可圖  
安第壽筭恐不出三年外耳用補中益氣湯加棗仁  
以助參朮斂汗又加枇杷葉桑皮蘇子石斛以降氣  
定喘二劑汗止四劑嗽亦減矣十劑而安後報計果

不出三年

陸祖愚治朱明字子婦年二十未出痘疹患痰症類傷寒脈之右手口洪滑而數左三部沈實蒸蒸內熱五六日不大便腹滿氣喘用黃連枳實山查厚朴花粉前胡桔梗瓜蒌生薑兩服後通身發斑或謂疹子或云石痘乃用炒黑麻黃柴葛荊防甘草牛蒡蟬退黃芩薄荷等味服後即痰聲如鋸氣不轉舒譫語發狂不時昏暈又用薑汁竹瀝牛黃通天散探嚏吐濃痰

數口方醒仍灌藥又復昏暈如是三日細斑轉而成片嘔血數碗後聞已死陸往唁之身雖冷而脈未絕以牛黃丸竹瀝灌下少頃手足微動又灌一丸有呻吟聲四肢微溫兩額紅色脈大起反覺洪數而滑用人參瓜蒌枳實黃連黃芩大黃元明粉徐徐溫服用炒麴皮熨腹上約兩時腹痛異常即下燥矢十餘塊白痰稠積若干再用獨參湯灌下以防其脫六脈弱甚四肢厥冷口不能言精神恍惚用參附歸芍苓朮

之類元氣復飲食進調理月餘而愈五年後陸往閩中其病復作嘔血數番莫能救

王敬溪年五十六先富後貧心事多鬱七月間恣食羊肉酒麪當風而卧內傷外感相兼或與發散頭不痛身微熱惟胸腹不快或與疎利便通溲利而痞滿如故或與溫味或與消導月餘其症依然診之左脈浮強而弱右脈浮滑有力或議下之陸曰此症內傷雖重於外感然有痞滿而無實堅且舌無胎口不渴脈

雖有力而浮尚帶表焉可下耶宜用小柴胡和之俟  
實堅脈沈而下之方為萬全自此半月症猶未減又  
半月脈沈便結乃以潤字九五錢三次吞服去垢穢  
若干內有羊肉數枚始知饑餓改用健脾調理之劑  
又月餘而痊

張意田治一人戊寅三月間發熱胸悶不食大便不通  
小便不利身重汗少心悸而驚發表消食不減更加  
讖語喊叫診其脈弦緩乃時行外感值少陽司天之

令少陽症雖少其機顯然脈弦寒熱者少陽樞象也  
胸悶不食者逆於少陽之樞分也少陽三焦內合心  
包不解則煩而驚甚則陽明胃氣不和而譫語少陽  
循身之側樞機不利則身重而不能轉側三焦失職  
則小便不利津液不下則大便不通此症宜以傷寒  
八九日下之胸滿煩驚小便不利譫語一身盡重不  
可轉側者柴胡加酒骨牡蠣湯主之以法治之服後  
果愈

陸祖愚治魯邑宰因隆寒出入勞頓感冒身熱骨痛而體極倦怠氣難佈息脈之左強右緩與疎氣養榮湯二劑彼見用歸芍謂傷寒何處投滋補曰此家傳治類傷寒之方毫無差池不必疑也服後其病如失

潘衷弦母六十餘勞倦感冒次早仍然飲食晡食遂發寒熱頭痛骨痛嘔吐酸水冷汗心痛一醫知其平日多鬱多火乃引經云諸嘔吐酸皆屬於熱投以清冷愈甚吐蛻數條脈之兩關緊盛兩尺空虛乃風寒飲



食之故用橘半枳桔查朴藿芷桂枝薑砂症少減次  
日復傷飲食症仍劇夜不得卧先用烏梅丸三錢以  
安蛻隨用檳榔青皮枳實厚朴山查陳皮半夏炮薑  
藿香黃連薑砂之類寬其中又用麩皮炒熨中脘旬  
日後用小承氣加元明粉去燥矢二次調理半月而  
愈

汪敬泉子年十六稟賦薄弱病十餘日他醫不效診之  
外症身如炙昏倦舌上黃黑胎尚有津液胸不可按

日瀉黑水十餘次六脈細數重按有神而氣口獨有

力

氣口脈盛傷於食也

曰此雖起於不足而內傷甚重宜先消

後補用小陷胸加減症不減夜間煩燥再與前方日

進二服四帖胸膈畧舒而虛怯煩渴暫投麥冬棗仁

山梔豆豉之類稍安而熱與痛不減瀉已止遂與潤

字丸一錢少頃又催一錢去燥矢三四枚而虛煩之

症又見仍用安神滋補之劑畧轉而舌胎未退明知

宿垢未清元氣弱甚不敢急攻乃消補間進調理兩

月胸腹始暢又月餘乃安

吳文學季鴻體弱多鬱偶患內傷外感先則過汗後則

下早竟成結胸

表症未罷而下之乃成結胸  
今云過汗豈表症猶未盡耶

診之胸

不可按身熱如火肢冷如冰不寐譫妄恍惚如見鬼

狀已二十餘日矣脈則兩寸空虛兩尺微有根蒂乃

以培植元氣中稍加消導之品療之十日後胸膈已

柔其熱盡在下焦繞臍硬痛時轉矢氣舌胎有刺而

尺脈漸覺有神乃用潤字丸三錢以歸尾枳實黃連

山查元明粉為煎藥送之去燥矢甚多乃用四君四  
物兼安神之劑調理而瘳

表兄費祖修初夏勞倦怒氣復兼風寒飲食診之左手  
浮弦氣緊盛謂兩手脈俱挾邪病方進也不信次日  
漸頭痛身熱胸膈飽悶項強骨痛醫與丸藥數錢服  
之遂瀉不止轉加飽悶惡寒再求診知其表症具在  
而遽下之竟成結胸矣與五積散二劑表症已除減  
去芫芷麻桂等又二劑胸寬瀉止改用歸芍六君子

湯十餘劑方用潤字丸一錢薑湯送下連進三服所  
去甚多飲食漸進調理四十餘日始痊

張靖山子年十五稟賦薄弱患內傷外感醫治半月矣  
視其面赤脣焦舌胎白燥身熱欲得近衣手臂不敢  
袒露反引手入被診之六脈鼓擊而大乃用人參知  
母五味當歸白芍一服甜睡半晌一醫再診謂陽經  
病改用柴葛解肌遂大劇再求診則面如土色身冷  
自汗四肢厥逆六脈鰾遊急以人參一兩二錢附子

三錢芪朮各二錢入童便服之得以挽回

董蔚如弟飽食麪食樹下納涼困倦熟寢遂頭痛身熱  
骨節煩疼胸腹痞塞醫以丸藥下之表症未除胸滿  
兼痛又行表汗頭痛減胸痛更甚或消導或推逐其  
痛漸下而未得舒暢幾兩月診得六脈溢數面容白  
黃舌胎灰黑而潤按其胸腹柔與臍下堅硬晡時微  
熱小水自利大便不通此畜血症也乃用桃仁承氣  
湯服後滿腹攪刺煩燥欲死其父母哭泣詈罵不可

堪至夜半下黑糞衄血若干遂腹寬神爽改用調理之劑而痊

葉能甫七月患外感內傷之症或用煎劑解表九藥攻裏遂連瀉數次胸悶口乾潮熱譫語舌上黑胎手足微冷脈之左三部沈細而溢右寸關沈滑尺脈空虛此陽症見陰脈也若再一瀉必然不治乃用陳皮甘草山查小柴胡木通澤瀉厚朴炮薑先溫消其利三劑後竟不瀉矣但兩手俱沈實改用黃連枳實山查

黃芩厚朴瓜蒌五六劑急轉矢氣投潤字九二錢少  
頃去燥矢二三次前症悉除遂投養血健脾之藥調  
理一月而安

易思蘭治王孫章湖壯年七月間秋收忙迫饑食二雞  
子酒數杯時因惱怒至暮風雨大作又當風沐浴夜  
半身熱寒戰腰背脊強胸滿腹痛醫用五積散發汗  
身涼戰止惟頭額肚腹大熱又服柴苓湯半月不愈  
大便雖去不去每出此須即時作痛又用大黃下三



五行病仍不減反加胃寒吐逆飲食入口即吐吐時  
頭汗如雨至頸而還四肢或厥冷或下大便一日二  
三次小便如常飲食不進者四十餘日亦不知饑形  
瘦日甚診之左手三部俱平和無恙惟大腸與脾胃  
脈俱沈緊按之則大時一結堅牢有力推之不動按  
之不移曰此氣裏食積也下之則愈先以紫霜丸二  
十一粒溫水送下二時不動又進七丸約人行三五  
里腹始鳴下如血餅者五六塊血水五七升隨腹饑

索食以清米飲薑汁炒鹽一二杯與之神氣頻生次  
早復診右寸關脈豁然如左以平胃合二陳湯日服  
一劑復用補中益氣湯加麥冬砂仁侵晨服六味丸  
調理一月全愈

張令韶治孝廉項恂如秋患傷寒用發散二劑愈甚又  
二劑神昏不語大熱診之六脈已脫急用人參芪朮  
各兩附子三錢薑桂各二錢午後脈漸出更進六七  
劑而病如故更加舌腫脣爛渴飲湯水不絕

如何猶  
不入熱

地

曰病是此病藥是此藥服之反甚得無誤乎細審  
不差又數劑仍如故十餘日總不能言其子終懇治  
曰藥已至矣病終不轉迨死症也更用八味丸全料  
濃煎六碗冰冷與之一日夜服盡舌腫即能言語識  
人每日用藥一劑粥食數碗佐之以火肉白鯊鰕魚  
之類大便不行聽之將一日腹始脹食後更甚乃以  
參苓芪朮薑桂附煎汁去渣加大黃二錢服後額上  
微汗出手足燥擾不安此正氣虛極也又與大料溫

補一劑遂安卧夜間下宿垢半桶飲食如故後用溫  
補百餘劑而愈共用人參五斤餘附子三十餘枚後  
稍失調理便發熱脫落下頰直至次年夏間始康健  
錢太菴同道也五月間患傷寒十餘日熱不退泄瀉一  
二次或用炮薑白朮等而瀉乏忽發癰譫語大渴改  
用荊芥防風蟬退紅花筭尖連翹等更加昏譫欲飲  
冷水脈之散大癰色淡而隱隱不明曰此手少陰心  
之病也由勞心過度真火虛極神氣外浮故現此假

症不可癰治少頃必發狂遂用人參芪朮各三兩茯苓附子各六錢五味子三錢分作三劑煎未就果發狂人不能制服一劑狂如故再劑稍定三劑遂睡次日服進藥如初神清渴止癰亦不見連進二十餘劑每日晡尚有讖語數句幸粥食進而大便不行忽一日心中開亮如開窗見日然讖語遂已乃曰先生所云手少陰心病果然也或問何以不用薑桂而止用附子曰乾薑入太陰肉桂入厥陰附子入少陰今病

乃少陰君火衰微故宜用附子也又少陰下水上火而主神機出入凡病足少陰腎水者雖凶易愈病手少陰心火者治得其法間有生者否則十無一生何也心藏神腎藏精精者有形神者無形治有形易無形難也

陳續先長媳上年患虛寒之症張治之而愈次年七月間又患發熱惡寒之症診其脈虛用桂枝乾薑白朮等一劑次日更大發熱張曰余亦意其大熱也脈之

如初乃曰咽喉腫痛固屬火然亦有虛寒者吾不慮其腫痛而慮其大吐不止也可多請高明治之不愈再來召我彼見勢危即遍延諸公皆曰此病雖不可太涼然而熱藥豈可用乎俱用甘桔山梔麥冬人參之類隨服隨吐藥俱不受病轉劇復召張張曰諸公之論極是但此病却不然也初予所以辭者一則再用熱藥恐不信二則必有識此病能用溫補者何必功自我出也遂用人參三錢桔梗一錢五分甘草柴

胡桂枝乾葛附子炮薑各一錢下咽不吐少頃大寒戰覆以重綿不解更與二服復大熱數刻隨大汗如雨睡覺而痛腫俱消後用薑附芪參朮二十餘劑而愈

呂東莊治蔡氏婦病感症初服疎表降火清痰之劑半月愈甚胸脹痛用溫膽湯及花粉瓜蒌痰反急用理中加肉桂延胡二陳枳殼痛結不可忍醫謂調補不應技窮矣呂曰調補固如是耶即理中湯入破氣之



藥已能益痛至甘草一味若蛻動者便非所宜故仲

景安蛻散去甘草加椒梅也病人果向多蛻症

凡病吐蛻

便多由肝火煎厥乃厥陰病故名蛻厥非結也

乃仍用理中湯去甘草加白

芍三錢木香五分痛減半脈之細數甚口渴欲飲水

不能嚥進湯輒吐手足時熱面時熱面額嬌紅不定

體如燔炙此邪火內沸怒木乘土五陽火隨之上燔

下爍真陰龍雷飛越以藥毆之陽格於外伏陰互結

而致

辭飭而多疵病

遂以大八味丸作飲與之曰得汗病已

黃昏服藥即少睡面紅即退為白頃乃索被曰俟之汗至矣及三鼓煩亂異常至黎明診之脈緊數至八九至曰汗已汨矣而虛不能發也急煎人參一兩芪朮歸芍五味甘草為佐飲之汗大至曰未也次日再服汗又大至如雨諸症頓愈或曰前之甘草不宜服今兩劑俱重用何也曰初胃中氣血攻竭虛寒凝故虺發而痛得甘則虺愈昂上故不可今得濡潤之藥胃氣沖和虺頭下伏雖濃煎與之無害也法可執

哉

沈凝芝側室病傷寒壯熱不止疎散之愈甚神情昏憤  
不寐呂診之曰此感症也然起於勞倦不當重虛其  
虛即投以參朮等得汗神情頓清次用地黃飲子下  
黑矢熱寐惟熱未盡退前方加炙草一錢即安繼以  
滋腎養榮等藥調理復初

呂姊婿勞仲虎初夏勞倦至感寒熱口苦醫用重藥發  
散之復用查朴枳牛花粉瓜蒌攻其中熱益甚痰嗽

喘急語言無序診知其誤急止餘藥重用滋水清金之劑一服痰喘漸退神情稍清次日脈之浮洪而數語急遽而收輕手指時作微脹曰此皆虛象也邪未嘗入陽明而先攻之傷其元氣邪反隨而入陽明矣重虛其虛愈不能鼓邪外出今雖稍定夜必發譫語當急以人參救之適篋中所帶不多只用人參五錢黃芪一兩次日家人言夜來甚狂亂不安似不可救曰無妨參力不足故耳時鼓峯在邑拉之同往曰汗

已至矣何慮為乃曰無庸疑吾輩在此坐一刻待其汗至而別何如衆在猶豫間因出酒食過午舉杯未盡內出報曰汗大發矣是夜熱退痰喘悉平繼用補中調土之劑而起

林觀子治一人頭痛身熱體痛傷寒症也然舌乾燥好沈睡診之脈豁大無倫次知其勞於房慾復感邪也與補中益氣湯入人參一錢五分服之得汗熱減三日內進八劑漸起食粥而安初服彼甚疑後見藥入

口必小汗熱熱周身和暢始信而服之

傷寒折衷

劉雲密曰予於癸巳春因老人氣虛而春每有暴寒時或冒之欲疎散而氣益虛遽投參芪而微寒更不去將補益為疎散而用又未能恰中用荔枝肉肥厚者五枚煮酒一鐘屢服之頗效又壬寅冬癸卯春予時因微寒胸膈稍滯鼻塞不暢用荔茭浸酒每飲一杯蘇葉陳皮湯十分之二服之及數杯無不捷效是則丹溪所謂能散無形質之滯氣誠不虛也

吳孚先治魏司馬夫人感冒發熱頭痛項強遍身拘急  
脈浮緊醫用羌防芎蘇等發散毫無汗意曰浮則緊  
矣獨不按其沈則澁乎且左部尤甚灼見陰虛血不  
足不能作汗也即以前方加當歸熟地血藥使雲蒸  
而雨自降一劑汗如雨表症悉除

馮楚瞻治常侍衛據云感冒得之醫以發散繼用涼解  
已五六十劑粒米不進每日惟飲涼水而已下身寒  
冷而木漸致胸腹皆冷而實手足面目肌肉痛痒不

知語言無音難以布息按其脈沈細欲脫令以人參  
一兩附子三錢早晚一服服後倘暫有煩燥無慮也  
既而果然二三日間漸即相安脈稍起肢體之冷亦  
非若前之徹骨矣乃以附子理中湯去甘草

以胸腹  
實滿也

早晚各一劑以溫米湯壓之數日後冷減神氣少清  
早晨仍服前方午後以濃參汁沖服去丹皮加牛膝  
杜仲之八味湯又數日骨節疼痛不堪曰此陽回冰  
解之象也無復慮矣後以八味加鹿茸虎脰牛膝杜



仲為丸加減十全大補湯送之兩月後言語始有聲  
三四月後始能步履年餘始能鞍馬常患腹痛必服  
溫煖之劑而愈

杜中堂子年十九夏月病感脈之時而洪弦尺弱時而

弦細尺緊乍寒乍熱

脈隨寒熱而變也

飲食即吐靜則吐少

減動則吐更甚詢其病由因偶冰雹駭而見視背上  
受寒發散和解不效繼用清熱之劑內有黃芩山梔  
服後即發嘔矣蓋暑天感寒中表之氣不固可知况

先天薄弱膏粱嬌養只宜溫中調理寒邪自散不出  
此致寒鬱火升兩耳之下漸腫及頰又誤為實火濟  
以寒涼釜底之火既浮中宮之陽復損尚堪延納飲  
食乎今欲溫中開胃則耳頰之腫痛為礙欲滋陰培  
本則中脘之道路不通初用八味加牛膝麥冬五味  
大劑沖人參汁服下即吐改用人參炮薑附子為末  
以焦白朮熬膏畧入薑汁和勻為丸少少參湯吞服  
幸不吐頃之腹通大便知其氣下行吐可止矣次日

仍以昨煎方作大劑人參湯飲之日用參兩餘出入  
加減漸愈後以地黃歸皮二湯間服遂瘳

李士材治一人勞神之後煩燥大熱頭痛時作時止醫  
者禁其飲食與之解表見四日熱不退欲與攻裏診  
之曰脈不浮緊安得表耶又不沈實安得裏耶惟心  
部大而溢此勞心而虛煩乃類傷寒非真傷寒也若  
禁飲食即餓絕矣便以粥與之兼進歸皮湯五日而  
安

張三錫治一人熱而頭身痛七日不已擬是下症診得左脈浮緊且時惡寒仍屬表熱投大羌活湯加蔥薑遂汗出而愈一人症同此多煩燥時值炎月與六神通解散亦大汗而解

張路玉治陳太倉夫人素患虛羸骨蒸經閉少食偶感風熱咳嗽誤進滋陰清肺二劑遂昏熱痞悶異常凡素

患虛損人忽有外感宜細審之診之人迎虛數氣口濡細寸口督督

兩尺搏指此肝血與胃氣皆虛復感風熱之狀與加

減葱白香豉湯一服熱除痞止但欬則頭面微汗更與小劑保元湯而安

王氏子四月患感冒昏熱喘脹便秘腹中雷鳴服硝黃一錢應脈之氣口弦滑按之則乳其腹脹滿按之則濡此痰濕挾瘀濁陰銅閉之候與黃龍湯去芒硝易桂苓半夏木香下瘀垢甚多因宿有五更咳嗽更以小劑異攻加細辛潤之大抵腹中奔響之症雖有內實當下必無燥結所以不用芒硝而用木香苓半夏也

用人參者借以助胃氣行其藥力則大黃輩得以振破敵之功非謂虛而兼補也當知黃龍湯中用參則硝黃之力愈銳用者慎之

錢慎所素有內傷因勞力感寒發熱頭痛表散數劑胸膈痞悶不安以大黃下之痞悶益甚更一醫用消剋破氣藥過傷胃氣遂厥逆昏憤勢漸危脈六部紫紫如蛛絲舌上焦黑燥涸異常此熱傷陰血不急下之真陰立槁救無及矣因以生地黃連湯去苓防風加

人中黃麥冬酒大黃另以生地黃一兩酒浸搗汁和服夜半下燥矢六七枚天明復下一次乃與生脈散二帖以後竟不服藥日進糜粥調養而大便數日不行魄門迸迫如火令用導法通之更與異攻散調理而安

楊乘六治沈氏婦感症身熱口苦脇痛頭眩或以表劑發散身熱益甚舌黑脣焦口渴煩燥手足腫痛大便秘澁小便短赤寢食俱廢脈之浮數無序乃肝鬱致

感因發散太過血少陰虛而火燥生風也以滋水清  
肝飲倍熟地一劑諸症悉退次用歸脾湯去木香加  
白芍丹皮調理而愈踰年產後復因勞力致感乃恐  
蹈前轍不敢發散一味養陰漸致大便不實飲食不  
進氣促如喘晝夜不眠合眼即見一白髮老嫗坐立  
面前胸中戰跳恍惚不寧仍邀診曰脫陽者見鬼非  
真有鬼也蓋陽氣大虧則神不守舍其所見者即其  
不守舍之元神也所以男病必見男形女病必見女



形且虧在某藏則某色獨見脈之浮起如絲沈則緩大無力面色晁白眼光散大舌胖而嫩且白滑此中虛挾感逼以寒涼致陽氣益虛而陰氣乘之耳乃與參附養榮湯倍棗仁白芍五味服訖則老嫗不見而熟睡矣繼用補中益氣加白芍五味數劑全愈

簡某病感症發熱飽悶神思昏沈不更衣者八日矣諸發表攻中不效且益甚脈之滑而有力面壅熱通紅氣粗舌胎黃厚而燥按其胸微痛此感症兼食俗名

停食傷寒是也乃用逍遙散加熟地二兩或曰如許發熱又兼飽脹似不宜補答曰此劑用之以代麻桂硝黃者也

此法固妙要當用於發表攻中之後

第服此則汗至而便通

熱自退脹自除矣一劑淋漓汗下二劑下黑矢十數枚諸症悉愈或問其旨曰此症初起本一逍遙合小柴胡養汗開肌助脾消食則愈矣乃風燥混表腸胃乾枯宿物燥結愈不能出仍用逍遙散重加熟地養陰使陰氣外溢則汗自至陰氣下潤則便自通也繼

用六君歸芍而愈

吳某病感症先微寒繼壯熱頭眩惡心吐沫不絕脹悶  
懶言氣難布息四肢麻木痠疼腰痛如折寢食俱廢  
大便秘結醫與清暑解表消食益熱益脹不時暈絕  
脈左手沈細右手緩大皆無力面晁白舌胖嫩且白  
滑知其多慾陽虛致感也與養榮湯加附子或疑熱  
甚兼脹而投溫補令但服此諸症自退若再用芩連  
枳朴則真誤事矣一劑即卧醒則大叫冷甚比及半

時汗出如雨再劑胸寬食進便通熱退又以兩腿外  
膝向生瘡腫循皮爛臭膿水淋漓痛痒甚一切膏丹  
洗貼不愈已六七年問治當何法曰病有內外源無  
彼此此因陽氣素虧不能下達毒氣時隆不肯上升  
故也第用前方作丸久服則陽分充足氣血溫而  
毒氣自出瘡口自收矣如言兩月果愈

潘某自京回南勞頓感寒發熱時作微寒發散數劑熱  
漸熾改用清火養陰數劑熱轉甚比到家舌胎已由

白而黃由黃而焦乾燥裂黑如炭色神思昏沈手足  
振掉撮空自汗危症蝟集矣醫見其熱勢謂寒之不  
寒是無水也與六味飲不應見其舌色謂攻伐太過  
胃陰乾枯也與左歸飲又不應脈之左寸關大而緩  
舌浮胖謂症乃陽虛火衰非陰虛火旺也蓋陰虛火  
旺者其舌必堅斂蒼老今雖焦黑乾燥而見胖嫩且  
服六味左歸而症反加

反加二字  
毋乃太過

其為陽虛無疑矣

以養榮湯用人參五錢加附子三錢一劑熟睡竟夜

次早舌上胎盡脫變為紅潤嫩矣原方減人參二錢  
附子一錢五分四劑回陽作汗而愈

戴氏子二十四病感症寒熱或因發散譫妄發狂又以  
苦寒下之危症蜂起又有用二冬二地石斛黃芩者  
五六劑益狂悖不安診之面白無神舌滑無胎脉細  
緊無力知其臟寒真陽欲脫以養榮湯用人參五錢  
附子三錢又知其旁議所阻也囑其午後至申察病  
人足冷至膝則亥子之交不可言矣已而果然乃自

戌至亥始盡劑子時後由腰至足漸溫五鼓進粥半  
甌而熟睡矣又十餘劑諸症悉愈未半月忽右足大  
指攣筋縮而痛外科與乳香末藥痛劇呼號再診之  
乃因思慮傷脾不能榮養本經筋脉所以筋攣燥痛  
也以歸皮去木香加白芍數帖愈

陸氏子病感症發熱咳嗽發散轉甚氣短如喘痰湧如  
潮甚至譫妄撮空脉之輕按滿指重按則空面色晃  
白眼眶寬大神水散漫舌胎嫩黃中間焦燥兩手振

掉症由氣虛致感悞用峻表致陰被劫而將亡陽無  
附而欲脫非救陰攝陽不能挽也乃用左歸去茯苓  
加入參五味大劑濃煎服訖即睡六時許方寤寤則  
身涼嗽止喘定痰消繼以生金滋水飲一劑養榮湯  
四劑全瘳又其母孀居卧病不起二載矣或作濕或  
作痿治之不效并乞診之脉緩大無力面色痿黃舌  
胖而滑詢其飲食不思畧食即飽夢中常見鬼神醒  
則胸中戰跳否具如所言此命門火衰元陽虛憊脾



土不生以致四肢無力不能運動也亦用養榮湯煎送八味丸不一月而瘳

沈某病感症身熱自汗或乍寒倦卧嬾言手足心熱日輕夜甚或與發散愈熾口渴譫語煩躁便秘又襟進寒涼解毒等劑勢垂危脉之洪大而數按之不鼓面色淺紅游移不定舌黑而潤手足厥冷此假熱也與八味飲加人參諸醫以火症悉具力爭參桂附不可服曰外雖似實熱內甚虛寒初悞發散令津液傷而

口渴便秘煩躁譫妄復用寒涼重陰下逼致龍雷之火不安其宅非人參桂附何以挽回公等不信但以附子作餅熱貼臍間時許便覺稍安矣

外試法妙

試之果

然乃進藥不及一時面紅立退譫妄煩渴悉除次用生金滋水補中益氣調理而愈未半月其父亦病感症危甚楊驗其舌黑而枯滿舌遍裂人字紋曰脉不必診也驚問故曰此腎氣湊心亦八味症也誤用苓連無救矣蓋昨一日夜果服苓連兩許問何以知之

曰舌上明明現出耳姑求一診以冀萬一曰脉隱而難憑不若舌之顯而可據也何必診踰日果歿

諸某年五十四冬杪因勞力致感頭痛發熱時作微寒緣混表太過口乾便秘壯熱不退復用苦寒瀉火頭汗如油下頷脫齧口角流涎鼾聲如鋸語言錯亂甚至循衣摸牀撮空諸惡畢備脉之洪大躁痰重按全無舌糙刺如沙皮焦黃如烘糕并舌底俱乾燥斂束如荔枝肉而滿舌却甚胖壯日進稀糊碗許大便半

月未行乃曰若論外象百無一治幸脾氣不泄胃氣不絕尚有生理第服藥後神得收斂而睡脉得靜細而沈乃佳遂以大劑養榮湯重加附子與之服訖果睡脉亦和四劑舌轉紅潤惡症悉退頻進稀粥惟交陰分尚有微熱或疑陽藥助火欲去芪朮附桂曰勞傷脾肺氣虛發熱非甘溫不能除方嫌火力不及不能蒸土回陽推出邪陰耳俟其力到地氣升而為雲則天氣降而為雨頃刻為清涼世界矣守方十二

劑始戰汗汗後身冷如冰問之不應推之不理或問其故曰此病既到今日斷乎不死不過汗後虧其衛外之陽故身倦嬾言無氣以動子刻自平復已而果然次日欲便扶至圓虛坐弩責數次忽小水癰閉點滴不能出少腹脹痛不可言此因大便彌月不行腸胃所積已多今頻加弩責將宿物推併大腸致壅塞膀胱所以癰閉不出也須以輕清之劑升舉之則小水自利立煎補中益氣與飲頃刻即通大便亦潤繼

以養榮作丸補中煎送兩月而健

馬元儀治沈某發熱惡寒頭身俱痛燥渴譫語脉之洪數而澁此外感而病危者以五志過極陰氣素虧邪復乘之重傷其陰而火熱愈甚也先與解肌一劑惡寒已而熱未除譫語轉增神魂飛越蓋肝藏血而舍魂心藏脉而舍神木火太過不獨自傷且賊真陰之氣以肝腎為母子其氣相通也心本制於腎而亦傷腎者藏邪暴甚反侮所不勝也法當養肝之陰使不

誅求于腎而水自克抑心之陽使不擾亂乎腎而水以安用生地知母甘草茯神丹參貝母花粉等一劑知三劑已調理而安

丁某病經二十餘日脉之左手弦數魚澁右手澁結少神發熱神昏譫語胸中滿結中痛拒按舌胎黑刺面色枯瘁時有喘咳日晡愈甚此肝木內鼓心火上炎肺金失養而胃土無滋也用瓜蒌枳殼半麴蘆根汁紫菀杏仁蘇子等服後倦卧片時神氣頗清右脉亦

透但澁象不減重按少神舌上胎刺去而復生此津液元氣枯竭之甚轉用人參三錢生首烏一兩知母生地川連蘆汁兩劑脉澁減症漸安但胎未盡去中脘滯悶前方加枳實查肉一劑頓已改用滋陰補虛之品二劑諸症盡退左脉向和右脉轉浮而數微熱發疹此正氣復餘邪盡從外達也與荊炭牛蒡乾葛防風杏仁桔梗蘇子薄荷清透之品經云因其衰而彰之之意也二劑後再與益元氣滋陰燥調理而痊



一婦人四旬外頭痛發熱口乾便閉不眠已月餘矣此邪風外煽實熱內熾表裏邪結之候也前所用藥仍是發表攻裡而不愈者藥不勝病耳今上下分消表裡交治而于攻發之中仍用溫養斯汗不傷於過下不傷於峻也用荊防薄荷麻黃輕陽發表使邪從汗而散於上大黃芒硝梔子滑石通幽利水使邪從便而泄之於下黃芩連翹清其上白朮甘草和其中桔梗石膏開其肺川芎歸芍養其肝一劑而減三劑安

安氏子年二十初得惡寒發熱身疼症診得內傷之脉而顯陽微之象曰此病枝葉未害根本先撥乃陽虛受邪症也若誤行表劑則孤陽飛越而危殆立至當用參朮等大培元氣以攝虛陽加桂枝透表以散外邪不信越四日發熱不休自汗不止神氣外揚或且欲用柴胡疎表之劑乃曰此症似太陽而得少陰之脉當是平素下虛故真陽上越耳遂定參芪建中湯而別或復謂外邪初入太陽表散即愈若陡進參芪

適助邪而滋患也越三日症變危篤再診脉幾微欲  
絕汗出如雨昏沉欲脫此非大劑溫補不能挽回以  
人參六兩合附桂理中湯連進三劑汗漸收脉微續  
然神氣尚未安和也復用人參三兩附子五錢方得  
陽氣內充餘邪盡從外達兩頤透發漸調而安

琇按是症固屬虛而邪熱原有或與表散未嘗無  
功至汗出脉復第與大劑養陰其病立已乃恣用  
桂附遂致發頤尚得為善治乎哉

楊氏子年二十許四月初以啖麵過飽午睡覺即身熱  
頭痛醫與消散至七日而愈兩日後因食水團復病  
仍與消運不應乃以小承氣下之連去糞水數次二  
皆無燥矢更醫與厚朴山查陳皮枳殼之類穀芽用  
至兩許月餘病不減而股肉盡落枯瘠如柴不食日  
進糜湯數盞寒熱往來小便亦少最後一醫教用膽  
箭蘗之膽入而糞不出又用蠟燭探之燭化而糞亦  
不出其膽汁與燭油凝注下部楚不可堪號呼之慘

四隣為動時已四十餘日方治未邀診以決早晚察其脉弦而迢迢尚有神氣其聲尚明亮按其腹不拒至臍下若有物築築然振手解衣視之狀如百錢梗起其父曰此必宿食不下而然曰非也糞穢在腸豈能跳動此緣悞下悞消傷其本元肝腎之氣不藏橫亘奔突經所謂動氣是也幸屬少年尚可治熟地一兩五錢肉苁蓉五錢甘杞子一兩麥冬當歸各三錢三劑下黑燥屎尺餘者二膽油俱去號呼頓息始得

睡再按之則若百錢者仍在再與前劑不減令辦參  
數錢勉措十金僅得錢半煎調前藥服下遂泯然立  
能進食唯寒熱每日一作知非本病必卧室湫溢天  
氣暴暑乘虛感瘧也且勿亟仍與前方減半數日後  
飯食大增乃以常山二錢火酒炒透五更煎服寒熱  
亦瘥

湯某年四十餘新秋病感冒醫屢發散至七八日無汗  
脉弦數且長身重頭眩尿少而赤鼻乾不眠微熱而

渴此邪漸入裡腎陰不足肝脾血燥表之則不能作汗下之必成壞症既非少陽無庸和解問欲飲水乎曰甚欲而不敢飲命與一大盞猶覺未足再與一小盞令且勿藥逾二十許汗大至身冷如冰亟再診脉之虛細而弦少腹旁跳躍振手此動氣也緣多服表散今汗出邪去而虛症見矣與生地杞子等峻養肝腎一劑減二劑平三劑全愈

陳士華兄武生也值鄉試伊邇日與朋儕練習技勇忽

感冒醫治月餘不效脉之弦大而濇外症已不發熱  
大便秘小便少兩額深紫若胭脂腰痛口乾不欲食  
所服藥類皆燥散之品此少陰不足勞傷外感治之  
失宜熱邪內陷法當內托令其汗出自愈用熟地生  
地杞子各五錢麥冬三錢萸仁二錢黃芩一錢石斛  
三錢傍晚服下黃昏胸膈脹悶欲絕躁擾異常其家  
大懟以為誤補必死矣怒持藥甌擲之門外環視涕  
洟一更後忽大汗如雨衣被沾濕汗止即索粥連進



兩盞已而酣睡達旦明晨延診脉已圓滑頰赤亦退  
第困乏無力耳因問夜來脹悶汗出之故曰病由前  
藥劫其津液外邪乘虛內結今以大劑甘潤投之即  
借其熱結之力蒸鬱勃發乃一湧而汗出邪散此所  
謂內托之法也令前方再服四劑病即起矣如言而  
愈

李韞玉母年逾四旬素有脇痛肝火之病深秋感冒醫  
與表散數劑熱猶未退以不大便投大黃元明粉下

之遂脇痛大作暈厥欲脫更醫用人參附子乾薑肉桂等厥止復煩躁汗時出不眠小便短澁醫恐虛脫日投參朮薑桂每汗出則加五味黃芪龍骨以斂之又時時欲利則加補骨脂肉豆蔻以固之如是四十餘日已服參數兩病益進而食不進診之脉躁數時大時小微有寒熱舌黑而強鼻煤溢出生額頰脣口如墨小便惟點滴兩手索刺如柴第神氣不昏語音猶亮此由表邪未清誤下邪陷入裡且傷其真陰致

肝急而厥又誤投辛熱固澁令熱邪與熱藥鬱結臟腑今幸元氣尚存猶可活也治法仍當汗下否則邪何由復或訝曰是症寧可再用攻表乎曰不可第可用不攻表之汗下耳疏方以生地杞子各五錢麥冬二錢沙參三錢萸仁錢半黃芩一錢或謂前醫深恐泄瀉今所用藥一派寒滑服之必利下無疑將弗服又或曰前醫治經月餘且辭不治曷進此以窺進退服一劑果利數行然病人殊不困遂日進一劑四日

則利下頻數日夜十餘次所下穢惡不堪青紅黑白而黃者絕少腹痛後重唯飲食漸進舌本漸柔鼻燥漸退小便漸長仍前方加熟地五錢黃連五分夜乃汗出其汗亦極臭穢半月汗乃止利漸減乃加生熟地一兩減黃連增白芍甘草凡五十餘劑病始瘥計服薑仁斤許

姚氏婦年逾四旬素有胃痛疾蓋肝火上逆也夏月患感冒發熱頭痛眩暈不眠善嘔初服發散未減改以

二陳湯等治嘔嘔未愈而腰連少腹痛不可忍議為邪入厥陰症將危殆欲用四逆回陽之劑診之脉微而弦手見紅疹面殊清白舌兩旁及尖皆紫色中則微黃口乾不甚喜飲斷為肝膽之火熾盛遇暴寒折之不得宣洩乃上冲胃絡作嘔故頭痛偏甚於左紅疹見於四末者木鬱則乘脾也其初與逍遙自愈乃用燥散之劑更擾其陽而傷其陰是以腰腹窘痛症本厥陰然傳經亦非直中也今標屬陽明宜用竹葉

石膏湯入杞子一兩飲下嘔止腰腹之痛亦除唯頭痛仍在改與逍遙湯加川芎當歸時方雷雨至夜半忽霹靂一聲病人覺四肢痠脹異常此少陽之鬱本諸外淫因雷得發越也已而頭痛如失次日診之脉既和平與四物去川芎加女貞石斛平調而愈余表甥嘗病疫因熱深厥冷一名醫亦與四逆散幸病人自知為熱症不之服用小柴胡合白虎湯而愈

宋復華兄俞氏姊初夏病感症天癸適來病隨愈蓋熱

隨血去也越七日遇端節食鷄子五枚酒二盞又進飯半甌臨寢少坐少頃即頭痛發熱次日前醫詢知病原以山查三錢穀芽三錢葛根三錢其他消散大約稱是連進三劑勢忽大劇亟余至則前醫已在與一隣醫議處方診之已昏不知人面色死青呆白目閉口張氣出手撒呼之不應脉如沸羹重按則無症已敗矣幸未大汗令人以手按其心下亦不拒知其病初愈臟腑餘熱未清食入腸胃一時不能運化又

感微邪遂如復症使勿藥則展轉自愈乃悞以大劑  
消散投下元虛血弱之人鼓動其火反致長熱不退  
猶以為藥力未到再進三進至陰陽脫離如是叩其  
今日將用何方則云總是鷄子五枚硬飯半甌為患  
既消散不應唯有承氣一方下之而已曰承氣固是  
第真元已奪恐宿食未下而遽脫奈何乃曰正為此  
耳曰余有一方且弗顧其病但服之令病人目開口  
閉神氣稍回再為調治何如二醫欣然齊諾乃用熟



地一兩六錢當歸五錢炮薑八分屬其急煎服遲則  
不及第得藥下咽則活矣抵暮來告病者不知飲藥  
以匙抄灌數口喉間汨汨有聲遂全蓋傾與少頃果  
目開口閉能轉側似大有生機求再往診曰無庸但  
以前方再剉一劑并前查濃煎與服可也明日視之  
神氣清明脉亦圓穩第稱口燥舌乾小便短澀夜卧  
不寧就前方去炮薑加沙參麥冬一服汗出遍身能  
進粥矣再以前方加減而愈

續名醫類案卷六